


Messo anniversari  
dòu centenari  
dòu Paire CAUSSE

« Chascun fai ço que pòu  
e li Santo fan lou rèsto »



Primo-Coumbo

Lou 20 de jun 2021

Messo councelebrado pèr Mounsegne Miquèu DESPLANCHES e  
lou Paire Eri SAINT SEVIN, prieire lazaristo

emé la participacioun de la couralo de Boisseron-Lunel-Saint Genies des Mourgues.

La messo coumenço, Dieu nous aculis

**Cant d'intrado : Bello Rèino d'amoundaut, Benisis li Prouvençau**  
**E dòu Rose enjusqu'is Aup, Enmantello si oustaou**  
**Bello Rèino d'amoundaut , Benesis li Prouvençau**

1-La Prouvènço à sa prim'aubo  
Vegùè toun sourire sant (bis)  
E dins li ple de ta raubo  
S'acaté coum'un enfant.

2-Sus la terro priuvençalo  
Fai gréia, toujours plus viéu (bis)  
L'aubre di flour inmourtalo  
E di cor que soun bèn tiéu.

3-Lou Segnour vòu que mestrejes  
Avau pèr noste salut (bis)  
Nous tendren se nous eigrejes  
Toujour ferme e resoulu.

4-Es en tu , la Maire santo  
Que toujours nous fisaren (bis)  
Eici nosto voues te canto  
Mai cilamont te veiren.

**Salutacioun. Signe de la crous**

+ Au noum dòu Paire e dou Fieù e dòu Sant Esperit      **Amen**  
+ Lou Segnour siégue emé vautre      **E emé voste esperit**

**Preparacioun penitencialo**

Segnour Jèsù, manda pèr lou Paire pèr gari e sauva lis ome  
**Segnour, pieta, Segnour pieta, Segnour pieta !**

Ô Crist vengu dins lou mounde apela toputi li pecadou  
**Ô Crist, pieta, Ô Crist, pieta, Ô Crist, pieta!**

Segnour Jèsù, aussa dins la glòri dou Paire, mounte intercedes per nous,  
**Segnour, pieta, Segnour pieta, Segnour pieta !**

+ Que Dièu tout pouderous nous fague misericordi, que  
nous perdoune li pecat, e nous mène à la vido eternalo.      **Amen.**

## Glòri - Sylvanes

**Glòri a Diéu au pus aut dóu lou Cèu,  
E Pas sus la terro is ome ques amo.**

Te lausan, te benessissen, t'adouran,  
Te glorifican e te regrassian pèr toun immenso glòri,

Segnour Diéu, Rèi dóu Cèu, Diéu lou paire tout-pouderous,  
Segnour, Fiéu unique, Jèsu Crist,  
Segnour Diéu, Agnèu de Diéu, lou Fiéu dóu Paire,

Tu que lèves lou peccat dóu mounde, piéta pèr nous-autre,  
Tu que lèves lou peccat dóu mounde, agrado nosto preguiero,  
Tu que siés asseta à la drecho dou Paire, pieta pèr nous-autre,

Tu soulet lou Sant, Tu soulet lou Segnour,  
Tu soulet, lou Diéu grand Jèsu-Crist, emé lou Sant Esperit,  
Dins la glori de Diéu lou Paire. Amen.

## Proumièro lecturo

### **Leituro dóu libre de Jo 38 10.8-11**

Dóu mitan de la broufounié, lou Segnour respoudeguè à Jo: - Quau embarrè la mar emé dous pourtau quouro sourtiguè boumbissènto dóu sen meirenau ? Quouro la vestiguère d'uno nèblo e la mudère emé de nivo sourne ? Quouro plantère terme pèr elo e pausère porto e ferrau ? Noun, anaras pas plus luen, ié venguère, eici s'aplantara la croio de tis erso !

## **SAUME 106**

### **Renden gràci au Segnour, soun amour es eternau !**

Que rëndon gràci au Segnour, pèr soun amour,  
qu'ouffrisson de sacrifice d'acioun de gràci,  
aquéli qu'an vist lis obro dóu Segnour Diéu,  
si meravinho dins lis abime de la mar!

Éu parlo, e fai se leva la tempèsto,  
un ventas que fai regounfla lis erso ;  
mountant fin-qu'au cèu, retoumbon dins lou gourg,  
dins aquéu malastre foundeguè soun amo.

En destresso, an crida vers lou Segnour  
Éu lis a deliéura de sis angouisso,  
fasènt tourna la tempèsto au silènci  
e fasènt cala lou briéu dis aigo

De vèire la calamo, se gaudiguèron,  
d'èstre mena au port que desiravon  
que rëndon gràci au Segnour pèr soun amour,  
pèr si meravinho en favour dis ome

## Segoundo leituro

### **Leituro de la segoundo letro de sant Pau, aposto, I Courintian 14\_17**

L'amour dóu Crist nous aganto quouro pensan qu'un soulet es mort pèr tóuti e qu'ansin soun tóuti passa pèr la mort. Lou Crist es mort pèr tóuti perfin que li vivènt noun viscon plus pèr éli soulet mai pèr aquéu que mouriguè e ressuscité pèr éli. Tambèn, counaissèn plus degun segound lou biais de la car, e s'avèn counèigu lou Crist dóu biais de la car, aro lou counaissèn plus ansin. Adounc aquéu que viéu en Jèsu-Crist es uno creaturo novo. Lou mounde d'à passatèms s'es avalí, un mounde nouvèu a espeli.

## Aclamacioun de l'Évangèli

**Cantas pèr lou Segnour ! Alleluia !  
Jougas pèr lou Segnour ! Alleluia !  
Vivès pèr lou Segnour ! Alleluia !**

Cantas lou Segnour, pèr un cant nouvèu !  
Cantas lou Segnour, lougas lou sèns'fin !  
Cantas lou Segnour, ounouras soun noum

### **Évangèli de Jèsu-Crist segound sant Marc 4 35-41**

Dins aquéu tèms, Jèsu parlavo pas sènso parabolo ; e aquéu jour, sus lou sero, diguè à sis disciple : - Passen de l'autro man. Faguèron douc parti la foulo e lou menèron em' éli dins la barco mounte èro e d'autri barco l'acoumpagnavon. Em' acò faguè uno grosso broufounié de vènt que mandavo lis erso dins la barco, bèn tant que la barco s'emplissié. Jèsu èro d'à poupo, sus un couissin, que dormié. Lèu lou revihon e ié dison : - Mèstre, noun T'enchau alor que periguen ? Alor s'abouran, remouchinè lou vènt e diguè à la mar : - Chut, Taiso-te. E s'abauquè lou vènt e aguè uno grand calamo. E ié diguè à-n-éli: - Perqué vous esfraias ? Avès panca la fe ? E fuguèron dins uno grand cregnènço, e se venien de l'un à l'autre: - Quau es Aquéu que lou vènt e la mar lé oubeisson?

## Proufessioun de fe : Credo

### Cresèn Segnour, qu'as crea l'univers !

Crese en un soul Diéu,  
Paire tout pouderos, creatour dóu cèu e de la terro,  
De tout lou vesible e l'invisible.  
Crese en un soul Segnour, Jéso-Crist,  
Lou Fiéu unique de Diéu,  
Nascu dóu Paire avans tóuti li siècle.  
Diéu nascu de Diéu, lus resplendour de la lus,  
Diéu vertadié, nascu de Diéu vertadié.  
Engendra e noun crea, sustànci unico emé lou Paire ;  
Pèr Èu tout fuguè fa.

### Cresèn Segnour, toun Fiéu nous a sauva !

Pèr nautre, lis ome e pèr noste salut  
Dóu cèu davalè.  
Pèr l'obro dóu Sant Esperit s'encarnè de la Vierge Mario  
E ome se faguè.  
Crucifica tambèn pèr nous autre, dóu tèms de Pons Pilat  
Patiguè e fuguè sepeli.  
Ressuscité lou jour tresen segound lis Escrituro,  
E mountè dins lou cèu ;  
Es asseta à la drecho dóu Paire.  
Diéu tourna-emé glòri pèr juja li viéu e li mort  
E soun règne sara sènso fin.

### Cresèn Segnour, en l'Esperit d'Amour !

Crese en l'Esperit Sant,  
Lou Segnour, lou que douno la vido,  
Lou que dóu Paire e dóu Fiéu proucedis ;  
Emé lou Paire e lou Fiéu, es adoura parié, e parié glourifica ;  
Nous a parla pèr li proufèto.  
E en la Glèiso : uno, santo, catoulico e apoustoulico.  
Counfèsse un soul batisme pèr la remessioun di pecat.  
Espère la resurreicioun di mort e la vido dóu mounde que vèn.

### Cresèn Segnour, siés la sorgo de la vido ! Amen !

## Preguiero universalò

### Segnour Jéso lou fiéu de Diéu, escouto nosto preguiero !

Vuei, à l'òcasioun dóu centenari de sa neissènço, lou Paire Causse nous recampo un cop de mai à l'entour de la taulo dóu Segnour. Forço d'aquéli que soun aqui an counceigu sa dispounibleta, soun gentun, sa fidelita dins l'amista. Gramacien noste Diéu pèr tóutis aquéli moumen de partaje, Ensèn, preguen lou Segnour !

Paire Peire Causse, fidèu à la coungregacioun lazaristo de Sant-Vincèns-de-Pau es toujours ana devers li mai paure, li boumian, disié : « Quau es emé li paure, es emé lou Crist ». Pèr que nautre sachen coum'èu vèire li paure, li deseireta que soun sus noste camin, Ensèn, preguen lou Segnour !

Paire Causse fuguè un messiouari emé la deviso de Sant-Vincèns-de-Pau : « Ama, Parteja, Servi ». Pèr que nautre sachen metre aquesto deviso dins nosto vido, Ensèn, preguen lou Segnour !

Es eici à Primo Coumbo que lou jouine Peire Causse aguè la voucacioun.  
Demanden à Nosto-Damo de nous manda de prèire nombrous e sant pèr persegui l'obro dóu Crist, Ensèn, preguen lou Segnour !

Fai douge an que lou Paire Causse « s'envoulavo », coume dison li Lazaristo ; es ana retrouba lou Paire Gibert que fuguè soun ami ; tóuti dous avien segui lou meme camin.  
Em'èli pensen à tóuti lis defunt de nòsti famiho. Pèr que Dieu lis aculigue dins lou Cèu, Ensèn, preguen lou Segnour.

### Cant d'ouferto :

**Que toun cèu es imense, O Segnour quand ié pènsè,  
Moun Diéu, mon Diéu, que lou mounde es poulit !  
Mai es pu grand encaro, l'ome davans ta caro  
Segnour, Segnour Moun cor n'es trefouli**

1. Es tu lou Diéu que nous a fa  
Que nous a pasta de la terro  
Tout ome es à l'image de Diéu  
Soun istòri es uno istòri santo.
2. Nous apeles à viéure emé tu  
Que toun Fiéu es vengu noste fraire  
Tout omes es à l'image de Diéu  
Soun istòri es uno istòri santo.
3. Lou pu paure, lou pu pichoun  
Vau mai que tout l'or déu mounde  
Tout ome es à l'image de Diéu  
Soun istòri es uno istòri santo.
4. Avèn la terro entre li man  
Sian respounsable de l'istòri  
Tout ome es à l'image de Diéu  
Soun istòri es uno istòri santo.

## La grande preguiero eucarístico

### Prefàci

- + Lou Segnour siegue emé vautre = **E eme vostre Esperit**  
+ Aussen noste cor = **L'aven tout au Segnour.**  
+ Regracien lou Seignour noste Dièu = **Aco es digne e juste**

### Sanctus

Sant, sant, sant lou Segnour, Diéu de l'univers

Lou cèu e la terro soun rempli de ta glòri.

Hosanna au pu n'aut dóu cèu, Hosanna au pu n'aut dóu cèu !

Benesi lou que vèn au noun dóu Segnour !

Hosanna au pu n'aut dóu cèu, Hosanna au pu n'aut dóu cèu !

### Anamnèse : Faire memôri

+ Eiço es lou mistèri de la fé !

**Glòri à tu qu'ères mort, glòri à tu Jèsu ! Glòri à tu que siés vivènt, glòri à tu  
Glòri à tu ressuscita, vèn revieüre en nous, Au-jour-d'uei e jusqu'au darrié jour.**

### Pater ( F. Mistral)

**Que toun noun se santifique,  
Paire que siés dins lou cèu ;  
Que toun règne pacifique  
Sus la terro vèngue léu.**

**Que ta volunta se fague  
Eiçavau coume eilamount  
Que ta graci vuei nous trague  
Lou pan que nous fai besoun.**

**Coume perdounan perdouno  
Touti nosti mancamen  
E paucas quand nous pouchouno  
Gardo-nous dou mau, Amen !**

**A Tu lou regne, a Tu lou poudé e la glori eternalamen.**

### Agnèu de Dièu

Agnèu de Diéu que lèves lou pecat dóu mounde, **pieta pèr nous-autre,**

Agnèu de Diéu que lèves lou pecat dóu mounde, **pieta pèr nous-autre,**

Agnèu de Diéu que lèves lou pecat dóu mounde, **Douno-nous la Pas.**

+ Veici l'Agnèu de Diéu, veici lou que lèvo lou pecat dou mounde  
= **Segnour, sièu pas digne que vengues dins ma demoro mai digo  
soulamen uno paraulo e moun amo sara garido**

## Coumunioun :

1. Pan de la vido, Cors et Sang de Jèsu Crist  
Douno d'amour que lou Segnour alarguè  
Cors vertadié qu'un Sauvaire l'oufris

### **Pan de vido, cors ressuscita, Sourso vivo de l'Eternita**

2. La santo Cène qu'eici la coumemouran  
Lou meme pan, bu meme cors Soun liéura  
La santo Cèno que la partejan

3. Pasco nouvello desirado à grand desir  
Terro proumessò dóu salut pèr la Crous  
Pasco eternalo, eternalo gau

4. La fam dis ome apasiado pèr lou Crist  
Lou pan que douno es l'univers counsacra,  
La fam dis ome coumoulado en plen

5. Pan de la routo que lou mounde n'a grand fam  
Dins la doulour, e chasque jour dins l'esfors,  
Pan de la routo, porge-nous secours

6. Vigno dóu Paire madurant un fru divin,  
Quand se veira fou Vendemiaire, à la fin,  
Fai-nous n'en béure, à vautre, d'aqu'èu Vin.

### Cant de fin :

**0 Vierge a Primo-Coumbo,  
Aqui recampa pèr te saluda,  
Urous dins toun Santuàri,  
Voulen te canta et toujours t'amas**

1. Venèn canta la Reino Bello qui viho sus noste país  
Venèn celebra lou Reinage de la Vierge dóu Paradis.

2. E ié disen : O Maire Santo Emplis li cor de toun amour  
E dins lis amo tresananto mes de soulèu e mes de flour.

3. Pèr que luse de nouvèu jour sur l'oumbro dis ouro meichanto  
O Vierge amigo e triumflanto Emplis li cor de toun amour.

